

Gloar d'an tri ferson eus an Drindet santel,  
 Da Zoue an Tad ha d'e Vab eternal,  
 Ha d'ar Spered glan: d'an tri, un Doue ebken,  
 Gloar da virviken!

IMPRIMATUR :

Landerneau, die Maii tertiâ 1897,

F. CORRIGOU, Vic. GÉN.



CANTIC NEVEZ

# En enor da Sant Serves

A zo e c'houel an 13 eus <sup>a vis Mae</sup>  
*(c. pardon)*

Tonlou an **ISTE CONFESSOR**  
 Pe ton ar **PANGE SOLEMNES.**

Canomp oll hirio, gant laouenedig'es,  
 Gloar ha meuleudi d'or Patron Sant Serves,  
 A zo curunet e bro ar joaüsted  
 Ac an Evrusted.

\*\*

Piou a lavaro peg'en Santel eo bet  
 Buez ha maro Sant Serves bennig'et?  
 Evit kement-se ret e ve caout moüez  
 An Ælez memez.

\*\*



Douss evel un oan, chast, humbl ha patient,  
Morse ne gollas grâss caer e vadigiant :  
E kever an oll e voa carantezus  
Ha madelezus.

Doug e oll vuez eo bet den a beden,  
Den a orezon ha den a binijen :  
Bet eo, en ur g'er, d'an oll dud a iliz,  
Ur squer e peb g'iz.

En Iliz Santel eo bet ur sclerijen,  
Ur sclerijen gaer, trec'h da bep fals creden ;  
Bepred diraza an oll heretiket  
A ranke tec'het.

Ac a glanvourien ganta bet pareet !  
Ac a bec'herrien da Zoue gounezet !  
Gant ast e tene, eus pep tu, on tud coz  
Da glasc e vennoz.

O ! Patron caret, brema eus an Enyou,  
Clevit or C'hantic, clevit or pedennou,  
Ha taolit varnomp ur sell a drugarez,  
Ac a garantez.

Oñ c'honservit stard er guir Relijion,  
Er feiz catholic, er peoc'h, en union  
Gant or Mam Santel, Iliz Sacr om Salver,  
Ha Cador Sant Per.

Autrou Sant Serves, on divoallit bepret  
A eneb ar bed, ar c'hig, an drouc speret,  
An tri adversour eus or silvidig'ez,  
Var ent ar vuez.

Pa z'eo ar bed-ma un draonien a zaëlou,  
Varzu on guir vro savit om c'halonou ;  
Grit na zizonjimp, nac en deiz, nac en noz,  
Gloar ar baradoz !

O ! grit ma z'aimp oll, un deiz, en ho kichen.  
Da gacut pers e gloar ar vuez eb termen,  
Da velet Jesus, ar sænt ac an ælez,  
En dro d'ar Verc'hez !